

# INUIT ATAQATIGIIT

## Inatsisartuni



19.07.24

UKA2024/57

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Namminersornerullutik Oqartussani, Kommuninilu nunatsinni tjenestemandit pillugit Inatsisartut Inatsisaata § 55-ip imm.1-ip allangortinneqarnissaanut tunngasumik nalunaarusioqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut, taamaaliornikkut nunatsinni tjenestemandit, danskit naalagaaffiata nunatsinni tjenestemandinut malittarisassai malillugit tjenestemandisut soraarnerussutisiaqalersinnaaleqqullugit, taamaattorli tapeqartitsisoqassalluni soraarnerussutisiaqaataasussanit aningaasarsianinngaaniit %-mik aaliangersimasumik angissusilikkamik, taamaaliornikkut nunatsinni, qallunaat nunaannilu tjenestemandit soraarnerussutisiaqarnikkut assigiinnigissutaasup nalimmassarneqarnissaa anguniarneqassalluni. Naligiinnigissutaasoq nalimmassarniarlugu, tapeqaataasussap qanoq annertutiginnissaa aammalu kommuninut, namminersorlutillu oqartussanut qanoq aningaasatigut naleqassanersoq nalunaarusiami UKA25 sioqqullugu tunniunneqartussami ersarissarneqassaaq. Tamatumuungattaq ilanngullugu nunatsinni qassit, tjenestemandinut isumaqatigiissut naapertorlugu atorfinitsinneqarsimanersut nalunaarusiami ersarissarneqassaaq.**

(Inatsisartunut Ilaasortaq Peter Olsen, Inuit Ataqatigiit)

### **Tunngavilersuut:**

Pingasunngornermi junip tallimaani 2024, nal. 07.52 Sermitsiaq.ag-p nittartagaatigut qulequtaq imaattoq saqqummersinneqarpoq<sup>1</sup> Oqariartuutigineqartullu ilaat pingaarnersiorlugu issuaavigissavara imaapporlu:

“IMAK-ip misissugaa: Tjenestemandit Danmarkimut nuunnermikkut aningaasarsiaqarnerulersinnaapput

Ilinniartitsisut tjenestemandit atugassaqartinneqartut soraarnngortut Kalaallit Nunaannit Danmarkimut nuussimasut qaammammut aningaasarsiaqarluarnerusarput. Tamanna ilinniartitsisut kattuffiata IMAK-ip misissuisitsinerani paasinarsivoq.

Tjenestemandit ilinniartitsisut atorfeqarnermi atugassaqartinneqartut Danmarkimut nuunnerit qaammammut 10.285 koruunit angullugit aningaasarsiarinerusinnaagaat IMAK-ip naatsorsuinerani paasinarsivoq.

Tjenestemandit 67-it ataallugit ukiullit utoqqalinersiaat qaammammut 10.285 koruunit angullugit amerlanerusut naatsorsorneqarpoq.

<sup>1</sup> <https://kl.sermitsiaq.ag/inuiaqatigiit/imak-ip-misissugaa-tjenestemandit-danmarkimut-nuunnermikkut-aningaasarsiaqarnerulersinnaapput/2097626>

# INUIT ATAQATIGIIT

## Inatsisartuni



Nalunaarusiami erserpoq assigiinngisitsineq annertoq qinikkanit sumiginnarneqartoq, soorlulusooq soraarnerussutisiaqalersimasut ilaqtattik ikinngutitillu peqatigalugit nunaminniiginnarniarlutik aalajangertut pillarneqassasut."

Issuaaneq naavoq.

Kunngearfiup Danmarkip ataani tamatta najugaqartuusugut naligiimmik pineqarlutalu atugassaqartinneqartariaqarpugut. Nunasiaateqarnerup aqqani immikkoortitsilluni aammalumi G-60-ip nalaani sumi inunngorsimaneq tunngavigalugu akissaasersuineramik ingerlatsisimaneq qaanngiulluinnartariaqalerpoq. Tjenestemandiugutta tjenestemandiunngikkuttaluunniit, assigiinngisitsineq kunngearfiup ataatsip iluani najugaqartuusunut suli atuutsinneqarpoq. Tamanna ajorpoq akuersarneqarsinnaanngilaq allannguisoqartariaqalerpoq.

Taamatut naligiinngitsumik atugassaqartitaanerup kingunerisaanik utoqqartavut tjenestemandit atorfeqarsimasut, ajoraluartumik amerlasoorpassuit qallunaat nunaannut nuuttariaqartarput soraarnerussutisiat tungaatigut pitsaannerusumik atugassaqartinneqarsinnaanertik pissutigalugu.

Ilaqtat ernuttatillu allaat qimattariaqarlugit. Tamanna ajoraluarpoq akuersaaruminaappoq allangortariaqalerporlu.

Utoqqartagut, ilisimasaqarluartut qarasarisut, pikkorissut, misilittagartuullu atorfissaqartilluakkavut taamaalillugit annaasarpagut aamma qallunaatut taasartagaat de gråguld (Kultiutigut qeersartut). "Kultiutigut qeersartut" atorfissaqartippagut pisariaqartippagullu. Nunarput qimannagu, ilaqtatik, ernutannguatillu asangaakkatik qimannagit nunatsinni eqqissillutik inooqataasinnaasariaqarput, suleqataarusukkunillu suleqataallutik.

Taamaattumunga Namminersorlutik Oqartussani aammalu Kommuneqarfinni tjenestemandit qallunaat nunaanni tjenestemandit, tjenestemandisut soraarnerussutisiaata qaffaseqattaannut qanoq iliornikkut inissiisoqarsinnaaneranik qulaajaasoqarnissaa pisariaqalersoq.

Taamaattumik taama tunngavilersuuteqarlunga, neriullunga taamaaliornikkut tjenestemandisut soraarnerussutisiaqartut pitsaannerusumik, nalimmannerusumillu atugassaqalernissaannut tunngassuteqartumik aqutissiuusseqataasinnaallunga, Inatsisartut aaliangiiffigisassaattut siunnersuuteqarpunga.

Ilanngullugu § 37 naapertorlugu apeqquteqaatigisimasara, 74-mik normulerneqarsimasoq, Naalackersuisuninngaaniillu akissuteqarfigineqarsimasoq innersuukkusuppara, tassani tjenestemandisut soraarnerussutisiaqarnermut malittarisassanut tunngasut ersarinnerusumik nassuiarneqarmata

Nuannersumik angusaqarfiulluartumillu oqallittoqarnissaannik kissaassillunga.

Qujanaq

**Pisortanut aningaasatigut allaffissornikkullu kingunerisassai:**

# INUIT ATAQATIGIIT

## Inatsisartuni



Allannguissamik suliaqarneq allaffissornikkut ingerlatsinermi AC-mik ilinniarsimasup nalinganik, tassalu 500.000 kr.-ninik naleqarumaartoq naatsersuutigineqarpoq.

**Namminersortunut aningaasaatigut allaffissornikkullu kingunerisassai:**

Soqanngilaq.

**Innuttaasunut aningaasaatigut allaffissornikkullu kingunerisassai:**

Soqanngilaq